

sålig min des vorgeanten^c J a c o b s M u r e r s¹ des alten Rechter Brüder wylent Couentbrüder^d des vorgedächten Couentz^d / vnd Gotzhusen ze s a n t L u t z i n nach sinem tod vnd abgang hinder im gelässen hât, es sigint wingarten akker wÿsan holtz ald veld oder ander gût was dz sÿg ald / wie das alles gehaissen oder genant sÿg, das wir vns da ållú sechsú vnuerschaidenlich wol eruarn vnd vns och nach wÿser lút Rât vnd vnderwisung selber bekent / habint, Das wir ze dem vorgedächten gût erbe von Rechtes wegen enkain vorderung noch ansprâch haben sôllent noch mugent nv noch hienach in dekain wyse / und darvmb entzihent^e vnd verzihent wir vns ållú Sechsú vnuerschaidenlich gen den vorgeanten herren dem probst vnd dem Couent^d gemainlich vnd gen allen jren/ nachkomen fúr vns vnd alle vns erben des vorgeanten gûtes vnd erbes gar vnd gantzlich mit vrkünde dis offenn briefes, Also das wir noch enkain vnser erben ge- / mainlich noch sunderlich ze dem selben gût vnd erb nv hinnethin kain vorderung ansprâch noch Rechtung niemer mer gewinnen noch gehalten sont weder mit ge- / richt gaitlichem noch weltlichem noch âne^f gericht noch mit enkainen^g andern sachen suss noch so ân all gevârde, Vnd ze merer sicherhait so sagent wir denen vorgeanten^h / herren^b, dem probst dem Couent^d gemainlich vnd allen jren nachkomen vnd och dem vorgeanten Gotzhus, fúr vns vnd alle vns erben, das vorgedacht gût vnd erbe / alles gar und gantzlich quitt ledig vnd los mit vrkünde dis offennⁱ briefes vnd darvmb dz dis alles also vest vnd stât belib vnd behalten werd in der wÿse als vor / ist beschâyden, So habent wir ållú Sechsú flissig vnd ernstlich gebetten den Edeln hochgeborenen vnsern genâdigen herren Graf Rûdolffen von Montfort⁶ hern ze veltkirch / Johansen Stôklin⁷ Stattamman vnd Hainrichen Stôklin⁸ sinen Brüder Burgern ze veltkirch dz sy jrú aignú jnsigel fúr vns offenlich gehenkt hând an disen^e brief wón och / sy dis vorgeschriben sach von bayder tail wegen vssgesprochen vnd vertâdinget hând in der wyse als vor geschriben stât^k, vnder dú selben Jnsigel wir vns ållú Sechsú / gemainlich vnd vnuerschaidenlich willeklich vnd vesteklich gebunden habent vnd bindent aller^l vorgeschribner^m ding vnd sach fúr vns vnd alle vnser erben mit disem brief / dú selben vnserú aignú Jnsigel wir jetzgenanter Grâf Rûdolf von Montfort⁶ Johans Stôkli⁷ Stattamman vnd Hainrich Stôkli⁸ durch jro flissigen Bettwillen vnd ze ainer / gezúgnúss aller vorgeschribner^m stukk vnd sach, wân wir das alles selber vertâdinget